

石屏州志

卷八

兵防志

靖叛
雜紀附

旅途

七也 352, 1235

134

17

石屏州志卷八

兵防志

靖叛 雜紀附 旅途附

聞之有文事者必有武備屏有慮鹿之患講武尤急舊志不志兵防以造亂附沿革志今另列兵防歷紀元明以來肘腋之患更以時事連類及之亦厝薪抱火之深慮也補兵防志旅途雜紀附焉

舊志駐防載雲南全省形勢東北貴州東南交趾西南緬甸西北吐番東南以元江為門戶石屏咽喉之地也

臨安府城設臨元潞江總兵官康熙十一年因野賊跳梁議以總兵閔興邦移鎮寶秀後未果

石屏州志

卷八

靖叛

二

康熙初年以距寶秀八里之關口為要地設把總一員領兵五十名戍守屬臨安鎮嗣兵丁以荒僻不便捷移駐寶秀

靖叛

明

洪武十四年冬平雲南十五年師至臨安元分省右丞伍友歸欵遂城臨安建置府衛命寧州衛指揮王執指揮僉事萬德即萬等留兵鎮之明年七月雲南所在皆叛前石屏土知州馬黑奴煽惑諸部叛連兵屯海東去府四十里列七營待諸部來攻城執等率師乘夜襲破之追至異龍湖又破之黑奴逸去擊其所部於楊州莊大破之

十六年宣寧侯金朝興帥萬德攻本州叛夷楊左丞於水寨擒僞萬戶石坎李殺之

嘉靖十六年野寇出沒調寧州土舍祿祚駐防寶秀團山祚子有方有方子嘉懋相繼防守

四十二年易門縣莊戶科擾衆不能堪易門土縣丞王一心與李向陽等糾結爲亂僭稱混天大王掠雲南府屬州縣至石屏雲臺昌明阿古黑及揚武壩等處巡撫呂光海勦平之事載諸葛元聲滇紀

萬 二年以磨刀嶺塔鮓母毛木樹三哨屬祿嘉懋統轄懋日漸驕肆養賊爲兵縱兵爲賊臨元羣屬騷然

石屏州志

卷八

靖叛

二

四十五年懋益橫使兵夜越東城劫鄉宦李健健白於州知州虞岳官屢呼懋不至命生員陳弘誨設計往說賺入州署擒之械送臨安懋伏誅調沙土司兵來州防禦

四十六年龍朋里里長龍在田精悍桀黠使充保長查地方崇正九年冬土司普名聲爲崇後妻萬氏淫暴專土司事構亂來攻石屏龍在田佐知州覃潢戍守募鄉勇三百餘人創立敵樓八十四所西北郭外築外郭三百餘丈東西立二郭樓固守無恙

十一年龍在田奉調勦流寇至荆襄斷黃間無功而歸

本朝

順治四年丁亥四月有野寇二千餘詐稱陳長命兵來防守州城蟻屯四城上至夜大肆焚掠殺傷千餘人次日滿載而去

沙定洲遣賊數千人來攻城州人閉城堅守賊擁龍爭先賺城門爭先握拳隱示謹守之意賊計不行遂圍攻屏城砲聲終宵不絕城內多方禦之乃引去

五月沙賊益兵再攻州城州人懼公議遣史某往說高吏目與劣生數人陰謀與史金約爲內應史固貧民暴得金大醉狂言泄其謀衆執之史吐其實衆執高吏目刺死東城樓腰斬蘇輝祖於市王春縋城夜遁祖與春皆諸生素奸

石屏州志 卷八 靖叛 三

謀聚黨陷害鄉人者也時人號史爲史陰隲云嗣後賊力攻城十餘日城內糧盡外無救援幾不能支賊聞李定國引兵攻臨安乃解圍奔去

龍贊陽龍在田之從姪也率其黨普二引兵千餘分屯西寺及火龍山圍攻州城不克臨安駐防兵赴州救應贊陽拒戰於中所營殺官兵百餘

十六年己亥二月投誠高將軍應鳳久駐石屏兵丁滋擾署知州鄭相每鉗制之因結怨應鳳忽撤兵屯梅箐坡時鳳欲殺一卒卒乞以功贖罪曰吾能殺鄭知州以其首獻鳳許之次早數十騎突入城殺鄭知州於儀門外遂奔去

十六年冬屏人廢弁許名臣自投誠歸移住馬阪壠潛懷異志偽造令牌撤去駐防兵丁逐知州文國珍據州城叛吳三桂討之兵至臨安名臣奔入元江約土司那嵩據城抗守三桂追勦破元江城名臣伏誅
十七年冬龍贊陽住龍港頗懷反側提督張勇誘至臨安殺之

康熙四年春迤東土司叛龍韜及從姪飛陽乘機引野賊數千圍州城知州曹得爵率州人堅守賊力攻二旬餘不克時吳三桂自水西班師遣總兵趙得勝馳還救解從間道襲擊西城外賊死傷甚衆龍韜引數騎奔阿泥山追斬之
遂平

石屏州志

卷八

靖叛

四

按龍韜龍在田之子也先世有龍朋者充阿古黑里長數傳至龍在田天啓間隨征安效良有功署都司銜崇正間隨征普名聲後奉調入楚援勦流寇多所刼敗還滇因得爲都督沙定洲反沐鎮被圍楚雄在田實左右之及李定國入滇在田勢益烈壬辰病沒於家明史有傳載藝文時子韜年及尅

大師平滇韜請襲藩司李本晟言於吳三桂桂以原非土官無宗圖號紙不許韜叛父子異轍惜哉

按石屏舊無土司自調寧州土舍祿祚防守及其孫嘉懋

縱兵爲賊四境因而多事嘉懋旣誅夷人龍在田以里長請給冠帶接管地方至子龍韜遂謀反逆其賊黨贊陽飛陽皆借在田勢給扎領兵攻圍州城幾屠州人許名臣依附在田致身將弁屢虐州人卒取滅亡而州人受荼毒者四十餘年當事者宜鑒後轍之車凡土司土舍慎勿輕議設立自貽伊害然屏地漢夷雜居賊屢滋擾未雨綢繆又當熟計焉

康熙四十七年戊子夏野寇三十餘人夜乘城缺入欲劫富家未遂掠西城李綱家無獲而出是時米值騰踊城中細民倡亂知州劉承啓諱言野賊閉城不追以細民倡亂爲

石屏州志

卷八 靖叛

五

辭州人士爭報上官後亦捕賊魁號長皮條者并其黨數人械殺於市

康熙五十一年壬辰春建水武生朱雲鴻卽朱六飛托故明宗室忽匿五郎溝據其地糾夷人欲攻石屏城約以六月二十五星回夜乘火炬沿城結營謀洩州人屆期守甚固是夕大雨賊人會於北山爲雨所苦及旦悉負空筐橐散去官民入五郎溝捉之爲里甲洩其謀雲鴻逸入蒙自及後始就擒并其餘黨戮之會城

雍正二年甲辰阿花寨夷民矣立勳以隨孫總兵征橄欖垣便委土千總抗上恣肆知州龍爲霖力請削之未果

雍正十年壬子矣立勦次子矣執中與昌明里保長普業樂
陰結新平元江楊方二土寇糾賊謀破州城八月十五日
由新平揚武埧過圭署河十六日至阿花寨老鴉箐有昭
通鎮遊擊李世祿自省奉檄夾屏救援兵未集急馳寶秀
被詐入深箐喪土練官兵五十餘人寶秀外委高臣死之
李奔入州城賊乘勢入寶秀焚掠并掠西郊諸寨率衆三
千餘人屯城西黑龍坡夜攻城時城內無兵奉檄在屏協
辦元普軍需候補知府直隸州管學宣會士民計議同州
牧陳如平虛張旗幟於城堞晝夜嚴督士民堅守遣家人
田進兩晝夜馳至督轅請援先誘矣立勦并子執中奸細

等七人殺之開化鎮守備胡大勇奉檄率兵五百於九
月初一昧爽壓賊營前管率臨元鎮千總向廷福領在城
官兵五十人土練五百人遶後夾擊之賊敗走有曲尋鎮
官兵三百隨至又有廣羅協副將鄭文煥復領官兵二百
名沙兵六百名四路搜擒賊聞風逃竄管學宣同知州陳
如平臨元守備胡士彥計誘賊首普業樂并其子普二械
送省城誅之叛始平議添兵百名駐寶秀築土城

旅途

附

由省城金馬山南歷狗街至大漁村爲呈貢境遵滇池東岸
梁王山麓至馬軍舖爲舊歸化縣境又二亭達晉寧州可

九亭而平

滇陽驛

五里多

石虎岡

廢官渡縣

狗街

三台山

呈貢縣

龍市橋

松花舖

太平關

馬軍舖

廢歸化縣

左衛團倉

草村塘頭

萬松山

盤龍寺

晉寧州

由晉寧東南循松子園山澗行路濱谿水峯巒如列戟至河

澗舖登關索嶺西瞰滇池東觀撫仙為迤東扼塞漸至刺

桐舖踰石關達江川縣九亭

十里舖

和尚灣

河澗舖

關嶺

石屏州志

卷八

旅途

七

刺桐舖

江川縣

江川漢時為碌雲城山麓多泉流入星雲湖周八十餘里瀉

入撫仙湖一云古交趾地由東循星雲湖上行有海門橋

撫仙星雲之通津也渡橋而南過甸苴關踰二山皆寧州

地又循湖至通海縣號七亭實六亭

左衛

海埂

海門橋

界魚石

梅子哨

柿花園

桃園

螺螄舖

石岩哨

甸苴關

楊廣

望海哨

李公山

義廣

玄竅通湖

諸葛山

青岩寺

秀山頂寺

通海縣

由通海南至曲江驛流沙甚深策馬亂流可濟稍駐足有陷者秋水突至即為巨津巡按御史沈正隆捐俸建橋號八亭實九亭

橫水塘

關平地

老君坡

小沙壩

紅土坡

中舖

侯家箐

三公橋

巖家坡

蛇街子

沙壩

狗街子

曲江驛

由曲江南至臨安府氣漸炎平險皆半可九亭

香木橋

青花堡

野馬川

阿舖關

石子坡

黃土坡

冷水溝

虎踞哨

石屏州志

卷八

旅途

八

翠屏公館

茶菴

南幢舖

賽公橋

白鶴舖

青雲橋

迎恩寺

臨安府

由臨安府九亭而達石屏出西門上二坡下馬坊歷五亭入

屏東境上修冲關至海東異龍湖之東也由陸則沿海而

行石道崎嶇由水則渡湖四十里過五爪山越三島至化

龍橋登岸

馬坊

馬軍營

謝家灣

界牌

修冲關

海東

土老嘴

小龍井

大龍井

新哨

火田舖

大水

左所

作家

化龍橋

番卜竜

石屏州

昔楊升菴自公安至博南著滇程紀李中谿修滇志取升菴紀損益之為旅途志路多彝獠險阻非康莊也石屏在滇極東遊宦商賈及入觀京師者必由會城而北則各郡路當以會城為宗今取中谿所載亭徼之遠近山川之險夷著為旅途志不獨南北無岐抑且車書有助其州城達海東四十里路石谿衍又在海濱行旅危之司牧者乘時而善治之是所望也

東關外

番卜竜

化龍橋

作家

左所

石屏州志

卷八

旅途

九

大水

火田舖

新哨

大龍井

小龍井

土老嘴

海東至

修冲關

界牌交建水州界

西關外

滾泉

簸箕營

三台閣

楊柳壩

九天觀

大松樹

茶菴

高家坡

寶秀

團山

關口

八抱樹

小河底

三台坡

龍馬蹄至

紅土坎交元

江府界今元江府新塘舊係石屏界內地因建塘借去塘與董姓沿塘基平處開種麥地轉賣元府靈官會謀奪石屏官莊三台坡水溝改地作田知州管申請元府會勘立界牌於新塘西柵外水溝仍歸三台坡官佃

灌溉官莊
田另有案

南關外

李家嘴
帽盒山
關子坡
白龍潭

紅山坡
五郎溝
荆竹林
馬鞍山

雲臺里至
填交納樓
司界

北關外

萬家營
龍泉書院
謝家山路西
白花竜

杉木箐
龍朋里
黃草壩
曲左交臂
峨界

城北三里

石赭坡
打卦坡
梅子嶺
白花竜

右屏州志

卷八
旅途

十一

魯兎革
龍朋里出
秀山至
通海更北
去至

河西縣

城東北

作家上
梅箐坡五里
由北沙
一碗水

石坎
魯兎革
甸魯填
曲江抵

王官營
沙壩渡河
由曠野
甸尾

鐵所
栖寄白
馬占舖出
香木橋至

曲江驛

雜紀

山呼詩
東坡云終日鎮筠籠
回頭借翠茸
誰知聲嘒嘒
亦是意
重重夜宿烟生浦
朝鳴日上峰
故巢何處是
鷹隼豈能

容屏中亦
產此鳥

素馨

陸賈南中紀行云南中百花惟素馨香特清烈彼中女子以綵縷穿花心繞髻為飾梁章隱咏其花詩云細穿花弱縷盤向綠雲鬟用陸語也繞髻之飾至今猶然楊用脩詩云金碧佳人墮馬粧鷓鴣林裏採秋芳穿花貫縷傳香雪曾把風流惱陸郎

山茶

東坡云葉厚有稜犀甲健花深少態鶴頭丹

嘲巡按

明御史巡按至府不至州縣有御史某紆道至屏知州宴鹿鳴嘲之署船窗聯云大江東去浪淘盡千古英雄問門外青山山外白雲何處是秦宮漢闕小院春來鶯喚起一簾風月看花邊紅雨雨邊綠柳此中有舜日堯天行館云八千里關疆自古來王幾度得沾驄轡露二百年荒服從天命駕一朝驚覩漢官儀

題壁詩

諸天寺有塔二鐘鼓樓二州人許鑑題云世上風波雙砥柱人間塵夢一聲鐘後鐘樓災州人陳世治題云塵夢勞勞喚不醒人間何用此蒲牢

石屏州志

卷八 雜紀

十一

馬坂壠

此地舊為州人陳鑑別業浮石菴後許弁據之廣其亭榭易為柱石菴中有洞賓亭州人張一甲題其楹曰在異水中央洞庭湖却疑醉後指南山彼岸邯鄲道遙憶夢回

八面樓

城西龍氏建八面樓頗壯麗張一甲題云樓擬岳陽對異湖繞綠秀嶺來青百年計三醉幾回詎云獨樂臺持仙掌望春樹雨中帝城雲裏一柱撐九重而上偉矣大風

許長發唱和詩

按發州庠生沙逆犯屏時為賊擄去入蒙自彼中修橋發為記悅之不忍殺後以二百金贖歸張一甲贈詩云鼙鼓曾經動地來一時陽九邁英才黑天春院音為斷青草池塘夢與陪那見焚書秦焰久曾聞持節漢庭回觀光指日陳封事執筆董狐舊諫臺諫臺謂發祖白塘先生直指也發復以詩雞鳴野客脫函關雙拔芒鞋度水山架上龍箋經廢久池中鳳籟正看閑老親涕泗凡千落稚子聲音又一般何幸先生勤教誨敢歌云遠怯緡蠻諸紳羣和其韻

降此啓

王乾亨不通文理而札筆奇妙龍土司請覃知州乞札為啓其畧云閣下西蜀人賢南天福曜鐘眉山之秀麗

心含綺繡千叢毓劍閣之雄姿胸隱甲兵百萬民方依
為父母帝實賴以股肱昆海晴波滿布龍湖之澤曲陽
湛露遙施屏石之春某謏劣庸才濫叨守土何幸鯁生
得二天之覆情有緣黎庶洽八里之絃歌偷得半日間
采匏以迎君子聊申一寸悃獻芹效自野人敬儻一筵
卜蠲幾日移蓬萊於咫尺對山斗於斯須仰冀謙尊莫
辭蒙賚伏望鳳儀傾躬鵠埃覃蜀人由貢士
判雲南府後知和曲時署州事用事切合

土謠竹枝詞

尤侗咏羅羅云斷頭掉尾水西羅蘆管千人捲白
波新婦奉堂槃磚贏橫陳玉體竟如何咏犴狴狎

獷云花桶裙攜紅桶裙家親殿上掃新墳更憐泥戶秋
千戲日逐春風蛺蝶羣咏夔人云跋履持鏢彈二絃金
環綴耳繞銀錢殷勤寄與
鄉公道拋取茅毬好結緣

乾陽山

州人萬肅晚年棲心方外結菴山麓壘石為墻飄飄有
仙意題菴曰拍手欲彈琴請君面壁澄心來問道呼我
門開

來鶴亭

亭有洞賓像州牧王光鼎題曰大地皆神仙只為俗眼
未開放這老朗吟飛過異湖即閬苑但把凡心打疊知

石屏州志

卷八

雜紀

七

此翁跨
鶴重來

古字

州庠生楊顯宗遍覓古時碑碣云梅箐有浴華山三字
作家有洞口長春四字李家砦有元石二字俱刻石上
多出李仁
君手書

馬金囊

一名馬檳榔蟾蜍矢也狀類白豆蔻塗惡瘡治痘有效
州人張漢云文官果與馬金囊頗肖文官木本囊籐本
也囊甘於文官耳因謂有馬有金囊富也文官貴也戲
為句曰文官果無遺味馬金囊有回甘乃知貴不如富
榮名厚
實須叅

州牧題名各異

嘗閱彙書載東方正棲霞人洪武年為石屏知
州舊志不載又載鄭朝用嘉定人天順年為石
屏知州舊志載成化年鄭朝用為州吏目不詳本籍不
知互異何故又蘇州志載顧纘詔恩貢生長洲人崇正
年為石屏知州又考明季唐允恭華亭人為石屏知
州以上二人遍查省府州志俱未題名存疑而已

清廉邑宰

彙書載州人許鑑宰嘉善甚清介冬日子乞足爐公
令以足蹉杵自温不必爐也除夕子乞爆竹公令以

竹片彈門有聲不必爆也及行取入
京一主一僕行李蕭然民頌其清

學士後人

宋氏明學士宋濂之後子慎洪武初坐胡惟庸叛黨
徙於臨安衛由臨徙石屏誥冊譜系尚存今十三世

孫佐臣中已

西科舉人

土著人

明永樂十七年詔移大姓實雲南亦有自行入
籍者惟段氏係段平章之後龍姓係土目之後

貿易用貝

謝肇浙云海內貿易皆用銀錢滇獨用貝產閩粵間
俗名曰肥一枚為莊四莊為一手四手為一緡一作

苗五緡為一卉卉即索也說文云三十并也古以六十
枚為一卉數錢亦以索今久不用貝俗呼人家稍裕者
仍曰家有肥兒

雞 薹

出蒙自者佳石屏亦有不及蒙產明孝宗時光祿寺以
雞薹進御上食而美將復取輒旋止曰朕索後必預儲

以待為費多矣

桔 槔

俗名龍骨車明知州
曾所能始教民用之

石屏州志

卷八

雜紀

三

科第先兆

陳氏每登第有產芝之祥張氏登第西湖水赤王氏
每科第祖塋臨混水塘水先清進士萬肅誕日虹飲

於家

繡衣里

城中王家巷西御史許鑑御史王夔龍兼陝西監察
御史張一甲曾孫張漢亦官御史咸居於此故名

進士里

南關舖進士七人翰林二人孫塗許陳四姓兄
弟同科者六解元二人歷科舉人甚多故名

滇南三石

屏南山出紫石不剛不柔頗發墨可為
硯材與大理點蒼石武定獅山石并稱

人文日盛

科第盛自萬 丁酉庚子癸卯三科俱解元丁酉第
二名亦屏人甲辰丁未二科二進士 國朝康熙甲

子科解元中式共七人自是己卯九人乙酉十人戊子
十人辛卯九人庚子十人癸卯丙午己酉俱八人七人
以下不紀 進士盛自康熙辛丑是科本省額中三名
俱屏人癸卯中一人 欽賜一人甲辰二人丁未四人

尤盛癸丑中一人 欽賜一人丙
辰 欽賜一人 召試鴻博一人

頒 賜

御製詩集 御批古文 御書臨米字董字各一章
御書御製詩扇松花石硯 賜侍講許賀來 御書

唐詩一章朱子全書佩文韻府松花石硯 賜給事中
盧炳 御纂周易折衷朱子全書清文鑑詞譜廣輿全
圖康熙字典 御纂春秋 欽定時文 御製詩文集
御製樂善堂文集日知齋說性理精言 幸翰林院

栢梁體詩 御製唐宋文淳 賜
檢討張漢清文鑑 賜檢討何朗

著作

州人著集有陳鑑浮石島詩孫襄有梅山遺集張傑有
石陽集塗時相有仕學膚言蒙養圖說張一甲有止園
詩集古栢山房文草輯詩古集輯詩今集楊忠亮有素
吟草山窗蔓言陳璧光有森玉齋二十五種段瑄有五
經纂要王用賓有經書訓詞商山文藝蒼葭六集芷江
草烟溪集塗大輅有鐵船菴曼衍集外史集塗大輅有
詩書著說張廷璧有禪喜續集王尚聖有庭槐集陳世
治有四始元音莊子註世外狂言詩萬肅有攻玉堂詩
怡園草曲江吟孫聿之有鏡舫集詩許賀來有松蔭堂
賜硯堂詩楊正有鏡湖草詩王孫熊有望月吟何其偉
有我堂集張漢有留硯堂集剛後草馬上吟十年吟芟
棠吟維駒吟續馬上吟樓居吟漫遊草七復吟後十年
吟雞棲吟倦還吟可老吟耄智餘草駢體一集集唐詩
一集詩餘奏疏一集古文鈔時文二集經史纂畧周南

石屏州志

卷八

雜紀

古

郡續志坪陽逸史二千日記事進 呈等韻二合音過
庭詩話考鵠編家乘詩林樵聚腋集江燈筆記雪燈筆
記紙尾錄耳餘筆餘何其供有墨雨樓集風氣膚言迤
江圖說元師平滇道路考西藏指掌塗時有野芩堂集
房書有西園詩集楊資治有只可集詩
張英有雲根園詩許湜有澹園詩集

藏書

何其僕藏書史法帖甚富有王右軍黃庭帖褚遂良臨
絹本手摹於石自鐫之神致絲毫不爽知州張遠見之
嘆曰石屏號人文之鄉
吾今始信此一片石矣

界連殊方

州行三日至元江七日至普洱山產茶又一山聳秀
名茶山車里頭日居之孔明營壘在焉又二日至一
大川原廣可千里養象其山為孔明寄箭處有孔明碑
苔泐不辨又四日至車里在九龍山下臨大江亦名九
龍江即黑水末流也車里西南行八日至八百媳婦此
地每村一寺每寺一塔村以萬計塔如之號慈國其酋
惡殺敵人侵之不得已一舉兵得所仇而罷又西南行
一月至老撾酋每代止生一子承襲絕不生女西行十
五六日至西洋海岬
乃擺古莽酋之地

鄉諺 屏俗語謂人才能為刺操當是辣操考五代史契丹謂劉智遠為操刺或倒語亦通

尉遲祠 尉遲敬德唐時人考武德七年命韋仁壽檢校南寧州都督仁壽將兵循西洱河開七州十五縣與敬德無涉

今石屏土主廟祀敬德一統志亦載祠在州北北唐建今徙州南不知何考

舒探花 知州舒國華字木生相傳其兄探花公早死其父悲甚

硃書探花復來四字於屍臂後佃民家生子臂隱有此四字舒公抱為己子即國華長登鄉舉知石屏州事又

考耳談載舒宏志年十九中萬 丙戌探花早卒時省軍家生子腹上有三肉字乃探花姓名時尊人司寇應

龍正憂無子抱為孫令探花婦鞠之肉痕漸滅與所聞

乾陽山色 知州蕭廷對有言北山青出翰林又有湖水泛郭科

甲不脫康熙年間北山蒼翠海口淤塞水抵城下言

降 國初鄭相署屏後為叛將所殺州人祀之降乩云為本

石屏州志 卷八 雜紀 五

山為躬耕之計山下田高苦旱鄭降乩指方向鑿之果得泉以資灌溉

松 屏南箐邱多松有鳥名松雀喜食松子隨風飛墜即生松樹不假人力

空斷山 異湖南有裸色灣一山橫插湖中相傳裸色欲斷山頸

自為一島未成今名空斷山空痕猶在後萬中以計襲之夜以猪脬浮水上豎以香火熒熒湖中裸色疑兵多

不能支自縊死常為崇相傳萬氏之後不敢渡湖至今猶然而色不復為崇湖上土人猶廟祀之舊

石坪 屏城建石坪上鑿井四五尺即水井中汲器縶斷浮

入鄰井至城西北多露石不如城西南人家多富貴許氏先世占卜有前三三與後三三之識許子言嘉靖

庚子科中三十三名孫泰來康熙丙子科三十三名昭

靈籤 康熙戊午年州人王國瑞劉敬公同赴偽舉過江川關

嶺掣籤廟中繇曰綠衣白衣兩人立綠衣莫笑白衣遲

有時綠衣羨白衣是乃天機之所值是科王得第劉落後康熙甲子劉乃雋籤靈而奇

縛牛尾

山村中有牛尾上樹之病謂虎魄倒縛牛尾事甚奇何其供親見之

盧鹿爨

即羅羅音訛耳羅俗二月五日祭龍六月二十四日為年凡三五年新易祖位為換祖病不信醫信巫剪紙招

魂宰豕以松火燎之切生肉為小鬻合蔬蒜雜食之謂之火宰交易不用書契削木片刻以紀數剖之各執半

謂之木刻通漢人文字者謂之白馬其字以橫行卜用雞骨甚靈以草為囊繫臂間納需用小物其中謂之剖

費童男女竹篋成聲和歌相誘謂之響篋鄉勇以青布纏頭如斗大上戴以皮盛以綿為甲以鏢刺人伏草間

殺人謂之坐草屏中彝人有土獠山蘇倭泥蒲喇熨夷其俗大約相似惟土獠以十月朔為年

魂化

熨夷臥於家尸魂化猫犬之類害人家嬰兒知者執而痛撻之即現真形乞命

剝生叫魂

凡夷人會飲切生肉雜野蔬與蒜食之謂之剝生人偶有病合飯一盂雞子一枚以病者之衣包裹門外

招之謂之叫魂

夷性

羅好山熨好水羅形黑而悍熨形皙而孱即古黑白爨二種也與人不相能以藥陰入飲食中久而後發非彼

石屏州志

卷八 雜紀

六

藥療之至死不救

祀龍

夷人多祀龍神繪像騎五色龍剪紙為旒始事時村巫通夕歌舞謂之招兵漢民惑之今已遵禁

木枷

江陰陳鼎滇黔紀遊載滇熨負貨物頂戴木枷相傳武侯設此以別漢夷貴賤非也殆便負戴耳

扁米

五郎溝熨人當糯穀方實時採其穉者焙而舂之色碧而軟美且芳謂之扁米

耕作

夷民不習紡織男女皆刀耕火種力作最苦耕用二牛前挽中壓後驅平地種豆麥山地種苡稗服食儉約俗

尚古

婚姻

夷人求婚請人至女家致辭讌酒即為允諾以尺帛銀飾為定娶後仍歸母家俟生有子始回夫家

啣酒

俗以膏梁大麥釀酒凡宴待賓客先設架置酒壘於上貯以凉水插竿於內客至主人先啣以示先嘗之意客

次之啣時盛水候啣畢而注於壘視水之盈縮以驗所飲之多寡不及則請再行冬月置火於壘下取其熱也

歌曲

夷人各種皆有歌曲跳躍歌舞樂工稱細樂箏笛琵琶諸器與漢制同其調亦有寄生草叨叨令一封書等名

相傳爲元人遺音

收糧斛

國初暫收四斛一石每石作二石開銷民甚苦之吏科掌印給事中趙之符上滇省徵糧過重遠黎

供

一疏奉部文以康熙十二年爲始二斛一石徵收漢彝霑恩

檳

榔

樹高二三丈舊說臨安廣南諸郡有之葉如芭蕉花如金粟實如桃李土人四剖其房并實乾而貫之食者佐

以石灰及扶留扶留萎子也又名蘆子消宿食祛瘴癘產臨安建水元江諸處至檳榔名殼檳榔與廣檳榔互

異惟產元江臨安未見

石屏州志

卷八

雜紀

七